



Hinkwaswo i ntirho wa siku

Mutsari i Bandile Sikwane | Mukombisi i Elizabeth Sparg

Hank Xidzidzi xo Saseka a ri xisweki lexi a va tlula hinkwavo emananga. Nkhikhi wa ku lava swichelachelani swa kahle a swi endla a hambana na lavan'wana.

Swichelachelani swa namuntlha swi olovile, kambe swakudya swa kona swi hlawulekile. A swi lulamisela Wendy lowa Honcinhova. A a tshoveke nenge hi ku balekela timhisi leta ndlala.

Swichelachelani swa kona a swi lava
swilo leswi swi tikaka ku swi kuma.

Hank u hlurile nhlarhu leyo
nona. A ku ta va nyama yo
nandziha ya muthotho.



Swipamu leswa vuxungu
swi kombisa ku vilela
loko a cela magoji ekaya
ra swona hi ku lava
mihlata. Eix! Eix! Eix!



U tiyisele ku lumiwa hi
tinyoxi to tlula dzana loko
a ri karhi a hlengeleta
mati lamo nyanganya na
vulombe ku ri va ta nwa.



Mhiri yi n'wi lumile loko a ri karhi a hlengeleta
tirubeyila na matamatisi ya nhova. Ku kuma vuxungu
bya mhiri i ntirho wo tika swinene. Swi tekile tiawara
to tala ku byi dzudza.





Ku nga si va khale, u fikile eka khona ya Gondzo ra Honcinhova na Xitarata xa Ximuwu.

Vanghana va dyile nyama ya muthotho, va ri karhi vanwa jusi yo nyanganya loko va ri karhi va hleka khutla leri nga karhateka hikwalaho ka switswiriri leswi vangaka huwa.

“Leswi i swakudya swa wena swa kahle swinene,” ku vula Wendy, loyi ririmu ra yena a ri ri karhi ri lava leswi nga salela exikandzeni. “Swi tikombe ku ri ntirho wukulu ku swi sweka.”

“Na switsongo,” ku hlamula Hank a ri karhi a koka moy. “Hinkwaswo i ntirho wa siku, kahlekahe. Wena yimela qhatha ra mhiri lero phomisa na marha leri ndzi nga ku vekela rona mundzuku!”



Hinkwaswo i ntirho wa siku

Mutsari i Bandile Sikwane • Mukombisi i Elizabeth Sparg



Mianakanyo yo bulu hayona

Hi swihi swakudya swa wena swa xirhandzwa? I swihlanganisiwa swihi u swi lavaka ku lulamisela swakudya leswi u swi rhandzaka? I mani u nga ta n'wi rhamba



Xifaniso

Yana eka phepha ra gingiriko laha: <https://nalibali.org/story-supplies/activity-sheets>

Khalara xifaniso kutani u xi hetisa. Dirowa xifaniso xa baloni leyi nga tsariwa miehleketo endzeniku komba leswi Hank a ri eku swi ehleketeni.



Ku Hlaya


Vana fokisi ra marito! Langutisa swinene eka ntsheketo. Xana u nga kuma mavito ya:

- ★ kaye wa swiharhi
- ★ mihadzu yimbirhi
- ★ Switarata swimbirhi?



Ku Tsala

Tirhisa vuxokoxoko bya ntsheketo ku tsala maswekelo ya xiculu lexi endliveke hi Hank. Tsundzuka ku sungula u tsala nxaxamelo wa swihlanganisiwa leswi lavekaka na swileriso leswi Hank a faneleke ku swi landzelela ku endla xiculu. Thya xiculu vito.



Ntirho wa vutshila

Tirhisa fulawuri yo tlangisa kumbe vumba ku sweka xiculu – ku nga va xiculu lexi Hank a xi endleke kumbe xiculu xa wena!



Encenyeta

Endla hilaha Hank a hlengeleteke swihlanganisiwa swa xiculu xa yena no xi endla. Tirhisa maswekelo ya wena kuva ya ku pfuna.